

Baibulo ya ana
Ikupasilani



Amuna
Omwe
Sanapindike



Yolembedwa ndi: Edward Hughes

Yojambulidwa ndi: Jonathan Hay
Alastair Paterson

Yotengedwa ndi: Mary-Anne S.

Yotathauzidwa ndi: Tapiwa Maraira

Yo pangidwa ndi: Bible for Children
www.M1914.org

©2022 Bible for Children, Inc.

Chilolezo: Muli ndi ufulu wotenga ndi kuchurukitsa
makopewa koma osagulitsa.



Mfumu Nebukadinezara anamanga fano lalikulu lagolide. Anali golide, kuyambira kumutu mpaka kumapazi. N'kutheka kuti mfumuyi inaiwala loto limene Mulungu analota kuti limuuze kuti ufumu wake wa golide sudzakhalapo mpaka kalekale. Mwina ankaganiza kuti ngati angapange chiboliboli chopangidwa ndi golidi kotheratu, ndiye kuti Mawu a Mulungu m'maloto ake sakanakwaniritsidwa.





M'modzi wa atumiki a mfumu
anawerengera anthu onse lamulo lakuti:
"... mugwada pansi ndi kulambira fano
lagolidi ... Ndipo amene sadzagwa pansi
ndi kulambira, adzaponyedwa
m'ng'anjo yamoto yoyaka."



Aliyense anachita zimene mfumu inalamula -
kupatulapo amuna atatu. Amuna amenewa anali
Aheberi. Iwo anali Sadirake, Mesake, ndi

Abedinego, anzake a Danieli. Zikuoneka
kuti Danieli kunalibe
pa nthawiyo,
chifukwa iyenso
akanakana
kulambira
fano lopangidwa
ndi anthu.



Anzeru a mfumu anachitira nsanje Danieli ndi anzake chifukwa mfumu inawakonda. + Chotero iwo anati: "Pali amuna atatu amene mwawaika kukhala olamulira chigawo cha Babulo, Sadirake, Mesake, ndi Abedinego. Anthu amenewa, inu mfumu, sakumverani. zomwe mwapanga."

Satumikira milungu yanu, kapena kulambira fano lagolidi mudaliimikalo.





Mfumu Nebukadinezara
anakwiya kwambiri. Iye
anawachenjeza kuti:
"Ngati simulambira,
mudzaponyedwa
m'ng'anjo yoyaka moto.
Ndi mulungu uti amene
adzakupulumutsani
m'dzanja langa?"




Mfumuyo inali kulakwitsa kwambili. Iye analidi kutsutsa Mulungu wamoyo. Amuna atatu achiheberiwo ankadziwa kuti kulambira fano n'kosemphana ndi lamulo la Mulungu. Iwo anakhala chilili. Cifukwa ca kukhulupilila Mulungu, sanaope mfumu.



Amuna atatu olimba mtimawa anali ndi yankho kwa mfumu. Iwo anati: "Mulungu wathu amene timam'tumikira angathe kutilanditsa m'ng'anjo yoyaka moto. Koma ngati sichoncho, dziwani inu mfumu, kuti ife sititumikira milungu yanu, kapena kulambira fano lagolidi mudaliimikalo."



Mfumu
Nebukadinezara
anakwiya kwambiri!
Iye analamula kuti
ng'anjo itenthedwe
kasanu ndi kawiri kuposa
mmene amayatsira
nthawi zonse. Komabe
amunawo sanagwade.



Mfumuyo inalamula amuna amphamvu a
m'gulu lake lankhondo kuti amange
Sadirake, Mesake
ndi Abedinego,
ndi kuwaponya

m'ng'anjo
yoyaka
moto.



Ng'anjoyo inali
yotentha kwambiri
moti amuna amene
anaponya Sadirake,
Mesake ndi Abedinego
m'motowo anaphedwa
ndi kutenthako.



Mfumuyo inayang'ana patali. Anaona amuna atatuwo akuponyedwa m'ng'anjo yoyaka motoyo. Koma si zokhazo zimene anaona.



Mfumu Nebukadinezara anadabwa!
"Kodi sitinaponya amuna atatu
omangidwa pakati pa moto?"
Adafunsa athandizi ake.
"Inde," anayankha.
Iye anati: "Taonani!
Ndikuona amuna
anayi omasuka,
akuyenda pakati
pa moto, ndipo
sanavulale.
Ndipo wachinayi
afanana ndi
Mwana wa
Mulungu!"



Poyandikira khomo la ng'anjo yoyaka
motoyo, mfumuyo inafuula kuti:
"Sadrake, Mesake ndi Abedinego,
tulukani, atumiki a Mulungu
Wam'mwambamwamba!"
Kenako Sadirake, Mesake
ndi Abedinego
anatuluka
m'ng'anjo
yamotoyo.



Onse anasonkhana n'kufufuza Ahebri atatuwo.
Anaona kuti motowo unalibe mphamvu yowapsereza.
Tsitsi lawo silinapse, ndi zobvala zao sizinatenthe.
Panalibe ngakhale fungo la moto pa iwo.



Mfumu Nebukadinezara atazindikira zimene zinachitikazo, anachita zinthu mwanzeru kwambiri. Iye anapemphera n'kunena kuti: "Wolemekezeka Mulungu wa Sadrake, Mesake ndi Abedinego, amene anatumiza mngelo wake ndi kupulumutsa atumiki ake amene ankamukhulupirira."



Amuna Omwe Sanapindike

Nthano yochokera mu mau a Mulungu,
Baibulo,

opezeka mu

Danieli 3

"Polowela pa mau anu pamapasa kuwala."
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhululukileni machimo anu, azakukhululukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mmoyo mwanga ndikundi khululukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!
Johane 3:16

